

Semu tutti pueta

Pueta, puiteddi e puitazzi
pàrlanu di poesia nni li chiazzi
cc'è cu si senti megliu di Danti
tra iddi stessi si piglianu pi 'gnuranti.

Si sèntinu tutti pruvissura lauriati
ma scrìvinu puesii tutti scardiati
'unn'hannu né senza, né rima
ma ognunu si senti 'na cima.

Cu è lu megliu piglia l'arsu
di scrìviri è troppu scarsu
li puesii sò, dici iddu, hannu li freggi
nuddu lu sapi, iddu sulu si li leggi.

Cci nn'è unu ca pi iddu è un talentu
nni scrissi quattru e d'è tuttu cuntentu
tutti cci dicinu ca 'un sèrvinu a nenti
ed'è sciarriati cu tutti, amici e parenti.

Prima di scrìviri, liggiti
e capiti li versi di latrì,
accussì sulu putiti capiri
ca cci voli senza e sapiri.

Cu si la senti strinci li denti
di tutti nun c'è unu valenti
a l'affacciu vi faciti complimenti.
a lu nnarrè siti comu li serpenti.

Si vuliti scrìviri, scrìviti,
latrì l'hann'addiri si valiti,
hannu arraggiuni cu vi 'ncueta
scrìviti, e nun vi sintiti ma pueta.

Scrivennu a nuddu vogliu sparlari
vi dicu sulu lu prossimu d'amari.

2014 Giuseppe Cardella